



Aqqalu C. Jerimiassen

UPA 2022/125

Atassut

25. Maj 2022

**Meeqjanik kinguaassiutitigut atornerluisartut pillaatisinikunut nakorsartinnikkut
kinguaassiuutitigut atuinissamut piumassusaarutsitaanissamik (medicinsk kastration)
aammalu meeqqat kinguaassiutitigut atornerlugaasimasutut sullinneqartunut tarnikkut
ikiorserneqarnermut aningaasartuutit tamakkiisumik akiliisinneqartalernissaanik
pisussaatitaasalernissaanik pillaatisalernissaat pillugit oqallissiatut siunnersuut.**

(Inatsisartunut ilaasortaq Nivi Olsen, Demokraatit)

Oqallissialli akissuteqarfiginissaata aallartippallaannginnerani quleqtsiisup oqaaseq atortaagaa "pillaaneq", uagut akissuteqaatisinni "pineqaatissinneqarneq" "pineqaatissiineq" atortassagatsigit.

Imm.82 UKA2021 Atassummiit siunnersuutigisimasarput imannak quleqtaqarpoq:

*"Kinguaassiutitigut peqquserlunnikut sakkortunerusumik pineqaatissinneqarsinnaalernissaat
pillugu Naalakkersuisut Naalagaaffimmi oqartussaasunut saaffiginnissuteqarnissaat pillugu
Inatsisartut aalajangiiffigisassaattut siunnersuut".*

Taamatullu siunnersuuteqarsimangaluarnitta itigartinneqarsimasup takussutissereerpa,
Atassummittaaq kinguaassiutitigut kanngutsaattuliortanerup akiorniarneqarnissaanut annertuumik anguniangaqtuguttaaq.

Oqartuartareerpugut, meerannguaq tassaasoq nunarsuarmi tamani minguinnerpaaq, pisuussuteqanngitsoq salingaattorlu. Kinguaassiutitigulli kannguttaatsuliortoqarneratigut inersimasorsuup ajoraluwartumik meerannguaq imminut illersorsinnaanngitsoq inuunerata sinnerani ikissaanik tunisarmagu, meerannguarlu innarlerneqartarpoq, soorunamilu suli eqqarsartaatsimigut meerat taamatut eqqarsaateqassalluni inerisimasuuneq ajormat paasiuminaattarsimassaqluni.

Meeraq illersungassaraarput, taannaavorlu tamatigut illersortuaannangassarput qanorinnikkulluunniit, tamanimi meerannguup inuunera iluatinnarnersaammat naleqarnerpaammallu.

Kinguaassiutitigut kannguttaatsuliorsimasut nakorsartinnikkut piumassusaarussarneqarnissaanik oqallissaarisup oqariartuutaani, naalakkersuisut akissuteqarput peqqinnissaqarfitsinnut suliakkiut annertusinnaasoq.

Tamannali Atassummiit illuatungilerujussuarusussinnaavarput, tassami kannguttaatsuliortaneq ingerlajuartillugu eqqungaasunut inuunerup ilarujussuani suliassanngortarneri inuunerullu

innarlerneqarnera inuiaqatigiinnut akisunerujussuusinnaammatt, inuullu inuunera innarlerneqarsimasimasup aningaasanik matuneqarsinnaanngimmat qaqugorsuarmut.

Pineqaatissiisarnikkut periarfissaareertut naak naalakkersuisut oqaaseqaamminni tikikkaluaraat, periarfissaannaatillugu pineqaatissinneqartartunut "akikinaarilluni" pineqaatissinneqartarnerit nalaanneqartuartassapput, tamannalu Atassummiit akuerinngilluinnarpalput.

Oqaaseq "periarfissiissutigineqartapoq" atorunnaarsikkusunnarpooq kannguttaatsuliortuusimasunut pineqaatissinneqarsimasunut, pisussaaffinngortariaqarlunil!

Taamaanngippat tarnip nakorsaanik assigisaanilluunniit katsorsarneqartarnissaat pisussaaffittut inisisimasariaqarnera pisariaqarpoq.

Uteqqiattumimmi innarliisartoqartillugu ajornartorsiut qaangernavianngilarput. Meerartatta illersungaanerat salliuuttuartassuarput.

Illit uangalu tamatta maaniittugut meerartatta illersortuarnissaat pisussaaffigaarput, qaqugukkulluunniillu akuerinngisaannassavarput meeranganut minguitsunut kinguaassiutitigut kannguttaatsuliortarnerit.

Kannguttaatsuliortuusunut suliniuit annertuut ingerlanneqareerneqartut naalakkersuisunit taaneqaraluartut, Atassummiit suli annertunerusumik iliuuseqartoqartariaqarnera sakkortuumik kaammattutigerusupparput.

Suliat ima ittut utaqqissunneqarsinnaannngillat, inuinuku inersimasut meerartatsinnut ulorianaaateqarsinnaasut eqqartorigut, allaqqinnaajussangaluarpooq kanani tummeqqat alloriusaata aaqqinnejarnissaa eqqartoraluarutsigu, uanimi inuup inuunera eqqartorparput, utaqqissutuartillugulu eqqugaasut arlalissuit ajoraluwartumik nalaattuassuagut.

Naak oqallisissiaqartup siunnersuuta sakkortungaatsiaraluartoq, immaqlu inuit pisinaatitaaffii eqqarsaatingalugit ingasaginarsinnaangaluartoq, taamaattoq eqqartussallugu pisariaqartuusoq piviusunngortinnejartariaqartorlu Atassummiit isumaqarpugut.

Pineqaatissiisarneq pituttuisunik avaqqunneqarsinnaanngitsunik arlalinnik imaqarnerusariaqarpoq, kannguttaatsuliortarnerummi nungusivinnejarnissaa (naak piviusorsiussagaanni ungasikkaluaq) angusariaqarparput, kinguaassiutitigut kannguttaatsuliorisimasut qaqagumulluunniit taamaalioqqinqngisaannarnissaat suliarisariaqarput eqqanaarlugu.

Sallaappallaqaqagut, inoqatitta inuuneranik innarliisut inatsisitigut sakkortunerusumik pisussaaffilerneqartariaqarneri pineqaatissinneqarnerminni angusariaqarparput.

Atassummiit qujavugut oqallisissiamik qaqlitsisumut Nivi Olsen-imut.